



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 41. De Primo verbo.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

loquendi tempus esse: sed si quid nobis perfectionis aut iniuria adferatur, amore Christi tacendum & ferendum.

5. In tentationibus & angustijs quanquam videamur destitui ope diuina, nunquam tamen debemus spem de Deo planè abijcere, suo tempore enim sine dubio auxilia & solatia submittet.

6. Irrident Christum in cruce, qui in peccatis suis gloriantur, quibus ipsummet Christum crucifixerunt.



MEDITATIO XLI. DE PRIMO VERBO.

PVNCTA MEDITATIONIS.

- Luc. 23.* I. IESVS *in Cruce pendens, dicebat:*
II. PATER DIMITTE ILLIS.
III. *Non enim sciunt, quid faciunt.*

FIGVRA.

Exod. 32. **D**V M filij Israel in deserto sibi idola constituunt, & contra ducem Moysen grauer murmurāt: Moyses ipse flexis humi genibus in vertice montis rogabat, vt Deus illis ignosceret.

PROPHE-

PROPHETIÆ.


1. **P**ro eo, ut me diligere, detrahebant Ps. 108.
mih: ego autem orabam.
Et posuerunt aduersum me mala pro bo- Isai. 57.
nis, & odium pro dilectione mea.
Et pro transgressoribus rogauit. Isai. 53.

DOCUMENTA.

1. **Q**uemadmodum Christus tanta caritate pro inimicis deprecatus est: sic & nos promptos esse conuenit ad veniam omnibus iniuriis dandam, & orare pro persecutoribus & male de nobis loquentibus.
2. Quia tam bonus est Dominus, ut ignoscat crucifixoribus suis, ponamus & nos certam spem in misericordia eius, & rogemus ut & nobis ignoscat, qui peccatis nostris non minus, quam Iudai ipsum crucifiximus.
3. Si nefarium illud scelus inimicorum, Christus apud Patrem excusauit: quanto nos contemnit magis, si quidem caritate pradi sumus, excusare, non augere exiguas proximorum offensusculas?
4. Magis Christum peccata Iudæorum quam sui dolores angebant, itaque Patrem non pro se, sed pro illis rogauit. Sic & nos si veram pietatem imbiberimus, plus curam suscipiemus in salute alterius spirituali, quam in nostra temporali.

5. Si Iudæi excusatione digni videbantur, quod nescirent, quid facerent: nos quibus Christus cognitus, toties tam en iterum per peccata crucifigitur, quam apud Deū inueniemus excusationem?

6. Christus à quo tempore in horto captus est, ad mortem vsque multa fecit & pauca dixit, vt doceret nos, cum in res molestas & duras incidimus, patientia multa, non multis verbis opus esse.



MEDITATIO XLII.
DE SECUNDO VERBO
PUNCTA MEDITATIONIS.

- Luc. 23.* I. *Vnus latronum, improperabat Christo dicens: Si tu es Christus; saluum fac teipsum, & nos.*
- II. *Alter increpabat eum dicens: Nequæ tu times Deum, quod in eadem damnatione es? & nos quidem iustè &c. Hic autem nihil mali gessit.*
- III. *Et dicebat IESV: Domine, memento mei cum veneris in regnum tuum. Ait IESVS: Amen dico tibi; hodie mecum eris in Paradiso.*

FIGV